



# NGANGOU A LOUNDOU NA NZAPA

**WATSON GOODMAN**  
a bongbi téné ti mbèti so

Gratuit — ti ka pèpé

## **NGANGOU A LOUNDOU NA NZAPA**

“Ngangou A Loundou na Nzapa” a yèké kètè mbèti ti averset ti Mbèti ti Nzapa so a bongbi ala na lègué ti aténé ndè ndè. Na bè ti mbi, mbi hinga biani Mbèti ti Nzapa mvèni a loundou na nda ti tène ti Mbèti ti Nzapa ndjoni, a ho ambèni mbèti kouè.

Tèné ti Nzapa a loundou na ndouzou na a ga ti sala na bè ti ajo so nzala a sala ala tètè mbilimbili ti Nzapa. Tonga na jo a changé bè ti lo na lo kè siokpari ti to, lo ma na bè na Seigneur Jésus-Christ biani, fadé Nzapa A mou na jo so tâ’ siriri na tâ’ nguia. Na ngou ti 1937, mbi mvèni mbi ma na bè, na juska la’ so, mbi ngba ti sala bèoko na Seigneur ti mbi. Mbi voro mo ti mou fini ti mo kouè na Lo FADE SO, na ti kamata Jésus tonga na Sauveur na Seigneur ti mo tonga na mo dè mo sala so pèpé. —Watson Goodman (1920-2002)

**aRomain 5:8**

Mais Nzapa afa na ani ndoyè ti Lo, tètì tonga na ani dè aouassiokpari, Christ akoui tètì ani.

**Jean 13:1**

Kodjoni si fête ti Pâque assi, Jésus ahinga l'heure ti Lo ti djia sessé so na ti kiri na Baba aga aouè, na tètì Lo ndoyè ajo ti Lo so ayèké na sessé so, Lo ndoyè ala juska na nda ni.

**Apocalypse 1:5**

Na aloundou na Jésus-Christ, tâ' Témoin, Kodjo ti loundou na popo ti aouakinda, na Lo so acommandé agbia ti sessé. Lo so

andoyè ani, Lo so alounguela ani na ya siokpari ti ani na lègué ti méné ti Lo.

**Jean 3:16**

Tètì Nzapa andoyè sessé so tonga so, Lo mou Melènguè ti Lo guènguèlé oko, si jo so ama na bè na Lo alingbi koui pèpé, mais lo yèké na fini ti la' kouè la' kouè.

**Jérémie 31:3**

Guiriri L'Éternel assi na mbi, Lo téné, Mbi ndoyè mo na ndoyè ti la' kouè la' kouè, tonga so Mbi ngba ti sala na mo na ndjobè.

**Jean 15:13**

Tonga na mbèni jo amou fini ti lo tètì andèko ti lo, mbèni ndoyè ti ho ndoyè so ayèké pèpé.

**I Timothée 3:16**

Jo alingbi kè téné so pèpé, téné ti ndaguigui ti lègué ti bata téné ti Nzapa ayèké kota: Lo si na ya mi-télé na lé ti ajo, Yingo afa na guigui, Lo yèké mbilimbili, A-ange aba Lo, A fa téné ti Lo na popo ti aGentil, A ma na bè na Lo na sessé so, A kamata Lo na ndouzou na ya gloire.

**Matthieu 1:22, 23**

Yé so kouè assi, si téné so Seigneur aténé na lègué ti prophète ni alingbi ga tâ' téné, Ba, fadé machia amè ngô, na lo dou Melèngué-koli, Na fadé ala di iri ti Lo Emmanuel; so aténé, Nzapa ayèké na ani.

**Jean 14:9, 10a**

Jésus aténé na lo, Mbi douti na mo la' mingui fadé so, na mo hinga Mbi pèpé, Philippe? Jo so aba mbi, lo ba Baba aouè; na lègué gnè mo téné, Fa na ani Baba? Mo ma na bè pèpé so Mbi yèké na ya Baba, na Baba ayèké na ya Mbi? . . .

**Jean 1:1 na 14**

Kodjoni, Téné ni ayèké, na Téné ni ayèké na télé ti Nzapa, na Téné ni ayèké Nzapa. . . Téné ni aga mi-télé, Lo douti na popo ti ani, na Lo sî na grâce na téné-biani; na ani ba gloire ti Lo, gloire tonga na gloire ti Melèngué ti Baba guènguélé oko.

Jo so aténé na guigui so Jésus ayèké Melèngué Ti Nzapa, Nzapa adouti na ya jo so, na lo douti na ya Nzapa. —1 Jean 4:15

aColossien 2:9

Tèti sîngo yé kouè ti Tâ' Nzapa adouti na ya Lo na ya tèle.

Esaïe 9:5

Tèti a dou Melèngué na ani, A mou Melèngué-koli na ani, na fadé ngangou ti commandé ayèké na ndogo ti Lo; fadé a di iri ti Lo—Lo Ti Kpéné, Ouaouango, Nzapa Ti Ngangou, Baba Ti La' Kouè La' Kouè, Makounzi Ti Siriri.

Luc 1:35

Mais ange ni akiri téné na lo, Fadé Yingo Voulou ajou na ndo

mo, na fadé mo douti na gbè ti ngangou ti Lo Ti Ndouzou Aho Kouè. Tèti téné so, Lo Ti Ndjonikouè so fadé mo dou Lo, fadé ala di iri ti Lo Melèngué Ti Nzapa.

Matthieu 17:5

Tonga na lo dè ti sala téné, ba, mbînda so assou mingui aga na ndo ala; na ba, mbèni yanga assala téné na ya mbînda ni, a téné, So ayèké Melèngué ti Mbi so Mbi ndoyè Lo, Lo mou nguia na Mbi mingui. I ma Lo.

I sala téné ti Lo so Baba abata ndè tète Lo mvèni, na Lo to Lo na sessé so, i téné Mbi zonga Nzapa? tète Mbi téné, Mbi yèké Melèngué Ti Nzapa. —Jean 10:36

## Jésus A fa na ani Lo yèké Jo gnè

**Jean 8:23**

Na Lo téné na ala, I yèké ti gbè ni, Mbi yèké ti ndouzou. I yèké ti sessé so, Mbi yèké ti sessé so pèpé.

**Jean 6:35**

Jésus aténé na ala, Mbi yèké Mapa so amou fini. Jo so aga na Mbi, fadé nzala ti kobé assala lo mbèni pèpé, na jo so ama na bè na Mbi, fadé nzala ti ngou assala lo mbèni pèpé.

**Jean 10:7**

Tonga so Jésus aténé na ala mbèni, Biani, biani, Mbi téné na i, Mbi yèké Yanga ti yangbo ti angassangbaga.

**Jean 8:58**

Jésus aténé na ala, Biani, biani, Mbi téné na i, kodjoni si a dou Abraham, Mbi Yèké.

**Jean 11:25**

Jésus aténé na lo, Mbi yèké Loundoungo ti aouakinda, na Mbi yèké Fini. Jo so ama na bè na Mbi, même tonga na lo kouï, fadé lo yèké na fini.

**Jean 13:13**

I iri Mbi Maître na Seigneur, na i téné ndjoni, tètï Mbi yèké tonga so.

**Jean 9:5**

Tonga na Mbi yèké na sessé so, Mbi yèké Lumière ti sessé so.

**Matthieu 20:30 na 34**

Ba, aouaziba ossé adouti na tèle ti lègué; tonga na ala ma Jésus ayèké ho, ala téné na kongo, Seigneur, Melèngué Ti David, Mo sala bè-ndjoni na ani! . . . Jésus assala bè-ndjoni na ala, na Lo ndou' lé ti ala; na fadé fadé ala bando, na ala tambela na pèko ti Lo.

**Matthieu 14:19-21**

Lo commandé ajo mingui so ti douti na ndo ti pèlé; Lo kamata mapa oukou na assoussou ossé so, Lo ya lé ti Lo na ndouzou, Lo iri téné ndjoni da, Lo fa' ya ni, na Lo mou mapa ni na adisciple, na adisciple amou na ajo mingui so.

Ala kouè atè kobé alingbi na nzala ti ala; na ala lo' tanga ti ndoulou kobé so angba, a sî sakpa balioko na ndoni ossé. Ala so atè kobé ayèké akoli koutou oukou, na a diko aouali na amelèngué da pèpé.

**Luc 5:4-6**

Na tonga na Lo fa téné aouè, Lo téné na Simon, Gouè na ndo so ngou ali, i sa gbanda ti i ti gui assoussou. Simon akiri téné, lo téné, Maître, ani sa gbanda na bi so kouè, na ani ouara yé pèpé; mais tonga na Mo téné, fadé mbi sa gbanda ni. Na tonga na ala sala so, ala gbo assoussou mingui, na gbanda ti ala ayè ti fa'.

# Jésus-Christ A sala yé kouè na Lo yèké na ndo yé kouè

aHébreu 1:2

Nzapa . . . mais, na la' ti nda ni so, Lo sala téné na ani na ya Melèngué ti Lo, Lo so Nzapa adjia Lo héritier ti yé kouè, na Lo sala sessé kouè na lègué ti Lo nga.

Tèti téné so, Christ akoui, na Lo kiri na fini, si Lo lingbi ga Seigneur ti aouakinda na ti ajo so ayèké na fini. —aRomain 14:9

Jean 1:3

Lo sala yé kouè, na yé oko ayèké pèpé so Lo sala pèpé.

Koussala ti aBazèngué 2:36

Tonga so djia ajo ti da' ti Israël kouè ahinga téné so biani, Jésus

so i fa' Lo na kèké-ti-croix, Nzapa assala si Lo ga Seigneur na Christ.

1 aCorinthien 1:9

Nzapa ayèké Bè-Tâ'-Jo, na A yèké Lo so aïri i ti sala bèoko na Melèngué ti Lo, Jésus-Christ Seigneur ti ani.

aColossien 1:16

Tèti na ya Lo, A créé yé kouè so ayèké na ayayou na so ayèké na ndo sessé, yé so lé aba, na yé so lé aba pèpé, atrône, aguélé-ti-commandé, akodjo-guélé-ti-commandé, na ayanga-ti-commandé; A créé yé kouè na lègué ti Lo na tèti Lo.



# Jésus-Christ A yèké Jo ti fa' mbanga ti ajo kouè 7

**aRomain 14:10**

Mais mo, tètì gnè mo fa' mbanga na li ti ita ti mo? Ouala mo, tètì gnè mo kè ita ti mo? Tètì fadé ani kouè alouti na gbèlé nguèndé ti mbanga ti Nzapa.

**Matthieu 25:32**

Fadé amara kouè abongbi na gbèlé Lo, na Lo kangbi ya ti ala, lèguéoko tonga na berger akangbi popo ti angassangbaga na angassa.

**Jean 5:22**

Tètì Baba afa' mbanga ti jo oko pèpé, mais Lo djia tènè ti fa'ngo mbanga kouè na ti ti Melènguè ouè.

**aRomain 2:16**

Na la' ni so Nzapa afa' mbanga ti yé ti lingo ti ajo, na lègué ti Jésus-Christ, alingbi na Tènéndjoni ti mbi.

**2 Timothée 4:1**

Mbi oua mo na lé ti Nzapa na ti Christ Jésus, Lo so fadé Lo fa' mbanga ti ajo so ayèké na fini na ti aouakinda, na mbi oua mo na lègué ti singo ti Lo, na royaume ti Lo.

**Koussala ti aBazènguèlé 10:42**

Lo commandé ani ti fa tènè na ajo, na ti sala tènè ti témoin, so Lo yèké Jo so Nzapa aïri Lo na guigui ti ga Juge ti ajo so ayèké na fini na ti aouakinda.

## 8 Nzapa A sau ajo gui na lègué ti Jésus-Christ

Mbi yèké Yanga ni; tonga na jo ali na ya ni na lègué ti Mbi, fadé lo ouara salut, na lo lingbi gouè na ya ni na si guigui, na fadé lo ouara kobé.

—Jean 10:9

Jean 14:6

Jésus aténé na lo, Mbi yèké Lègué ni, na Tèné-biani na Fini. Mbèni jo aga na Baba pèpé, gui na lègué ti Mbi.

Jean 8:24

Tonga so Mbi téné na i, fadé i kouï na ya siokpari ti i, tètï tonga na i ma na bè pèpé so Mbi yèké Lo, fadé i kouï na ya siokpari ti i.

aHébreu 7:25

Tètï téné so nga, Lo lingbi sau ala biani so aga ndoulou na Nzapa

na lègué ti Lo, tètï Lo ngba na fini la' kouè la' kouè ti sambela tètï ala.

Koussala ti aBazènguèlé 4:12

Na salut ayèké na ya mbèni jo oko pèpé; tètï mbèni iri ayèké na gbè ti yayou pèpé, so ayèké na popo ti ajo, so ani lingbi ouara salut na ni.

aRomain 3:24

Na lègué ti grâce ti Lo, so ayèké matabissi, A diko ala ajo ti mbilimbili, na lègué ti ton' ani na ya Christ Jésus.

Na tètï A sala si Lo lingbi kouè, Lo ga Jo ti mou salut ti la' kouè la' kouè na ala kouè so ama téné ti Lo.

—aHébreu 5:9

# Nzapa A sau ajo gui na lègué ti Jésus-Christ 9

Luc 19:10

Tèti Melèngué Ti Jo aga ti gui na ti sau yé so aglissa aouè.

1 aCorinthien 1:30

Mais i yèké amelèngué ti Lo na ya Christ Jésus, Lo so Nzapa assala si Lo ga ndara na mbilibili ti ani, na ngangou ti bata ani ndè tèti Lo mvèni, na yé ti ton' ani.

aColossien 1:12-14

I mou merci na Baba, Lo so assala si ani lingbi ouara yé ti ani na ya yé ti héritier ti ajo ti bèvoulou na ya lumière; Lo so alounguela ani na gbè ti ngangou ti bingo, na Lo djia ani na ya royaume ti Melèngué ti ndoyè ti

Lo; na ya Lo, A ton' ani, na ani ouara pardon ti siokpari ti ani.

Tite 2:14

Lo so amou Lo mvèni tèti ani, si Lo ton' ani na ya siokpari kouè, na Lo soukoula ajo tèti Lo mvèni si ala ga ajo ti Lo, ajo so ayèké na nzala ti sala ndjo koussala.

Apocalypse 5:9

Na ala sala fini bia, ala téné, Mo lingbi ti kamata mbèti so na ti lounguela sceau ni, tèti a fa' Mo guiriri, na Mo vo ajo tèti Nzapa na méné ti Mo, na popo ti akété mara kouè, na ti yanga ndè ndè kouè, na ti ajo ndè ndè kouè, na ti amara kouè.

## 10 Nzapa A ton' ajo gui na lègué ti mènè ti Christ

Tonga so, tètì A diko ani ajo ti mbilimbili fadé so na lègué ti mènè ti Lo, mingui aho, fadé A sau ani na ya ngonjo na lègué ti Lo. —aRomain 5:9

aEphésien 1:7

Na ya Lo, A ton' ani na lègué ti mènè ti Lo, na ani ouara pardon ti kèngo-ndia ti ani na lègué ti mossoro ti grâce ti Lo.

1 Pierre 1:18, 19

Tètì i hinga, A ton' i na ya tènè sènguè sènguè so akotara ti i afa na i guiriri; A ton' i pèpé na yé so ayèké fouti, yé tonga na argent ouala l'or, mais A ton' i na mènè ti Christ so nguélé ni ayèké ngangou, mènè so ayèké tonga na

mènè ti melènguè ti ngassangbaga so ayèké ndjoni kouè na sioyé ayèké na tèle ti lo pèpé.

Mais tonga na ani tambela na ya lumière lèguéoko tonga na Lo yèké na ya lumière, ani sala bèoko na popo ti ani, na mènè ti Jésus Melènguè ti Lo assoukoula sio-kpari kouè ti ani. —1 Jean 1:7

aHébreu 9:14

Fadé mènè ti Christ, Lo so Lo mou Lo mvèni na Nzapa na sioyé kètè pèpé na lègué ti Yingo ti Lo ti la' kouè la' kouè, alingbi soukoula yingo-ti-hinga ti ani ndjoni aho pèpé? si i djia koussala so fini ayèké da pèpé, na i sala na Nzapa so ayèké na fini.

# Salut a yèké na lègué ti mabè na ya Jésus-Christ 11

aEphésien 2:8, 9

Tèti A sau i na lègué ti grâce aouè, na lègué ti mabè; na yé so ayèké ti i mvèni pèpé, a yèké matabissi ti Nzapa; a yèké ti koussala pèpé, si jo oko alingbi ya iri ti lo mvèni pèpé.

Tonga so, tèti A diko ani ajo ti mbilimbili aouè na lègué ti mabè, ani yèké na siriri na Nzapa na lègué ti Seigneur ti ani Jésus-Christ. —aRomain 5:1

aGalate 5:6

Tèti na ya Christ Jésus, fa'ngo nganza ayèké sènguè, na fa'ngo nganza pèpé ayèké sènguè; mais mabè so assala na lègué ti ndoyè ayèké tâ' yé.

Tèti yé kouè so Nzapa adou aho sessé so na ngangou, na yé so aho sessé so na ngangou ayèké mabè ti ani. —1 Jean 5:4

Jean 20:31

Mais a sala tènè ti yé so na ya mbèti, si i lingbi ma na bè so Jésus ayèké Christ, Melènguè Ti Nzapa, na tèti i ma so na bè, i lingbi ouara fini na lègué ti iri ti Lo.

Jean 6:28, 29

Tonga so ala tènè na Lo, A yèké mbanga ti ani ti sala gnè? si ani lingbi sala koussala ti Nzapa. Jésus akiri tènè na ala, Koussala ti Nzapa ayèké ti ma na bè na Lo so Nzapa ato Lo.

**Psaume 103:11**

Lèguéoko tonga na ayayou ayéké yongoro na ndouzou na ndo sessé, Tonga so, ndjobè ti Lo ayéké kota mingui tètì ala so akpè mbito ti Lo.

**Psaume 103:17**

Mais ndjobè ti L'Eternel ayéké guiriri kodjoni, na la' kouè la' kouè, na ndo ala so akpè mbito ti Lo, Na mbilimbili ti Lo ayéké na ndo amelènguè ti amelènguè ti ala.

**Michée 7:18**

Mbèni nzapa so alingbi na Mo ayéké na ndo oua? Mo so Mo pardonné sioyé, na Mo diko tènè ti

kèngo-ndia na li ti tanga ti ajo ti hèritier ti Mo pèpé. Lo bata ngo-njo ti Lo la' kouè pèpé tètì ndjobè ayéké yè so anzéré na Lo.

**Toto ti Jérémie 3:22, 23**

A ouonjé ani pèpé tètì njobè ti L'Eternel, tètì bè-ti-ndoyè ti Lo aouè pèpé. Ala yéké yé ti fini na nda-pelèlé kouè; Bè-biani ti Mo ayéké kota.

**Tite 3:5**

Lo sau ani pèpé na lègué ti koussala ti mbilimbili so ani mvèni assala, mais Lo sau ani na lègué ti bè-ndjoni ti Lo, na lègué ti soukoulango so adou ani mbèni, na lègué ti kiri ti sala ani na fini na lègué ti Yingo Voulou.

**Jean 7:37**

Na la' ti nda ni, so ayèké kota la' ti fête ni, Jésus alouti, na Lo tènè na kongo, Tonga na mbèni jo ayèké na nzala ti ngou, djia lo ga na Mbi, lo gno.

**Apocalypse 22:17**

Yingo na fini-ouali atèné, Ga! Na jo so ama, djia lo tènè, Ga! Na jo so ayèké na nzala ti ngou, djia lo ga; jo so ayè, djia lo gno ngou so amou fini, djia lo gno sènguè sènguè.

**Esaïe 1:18**

L'Eternel atèné, I ga fadé so, djia ani bongbi ti lèké tènè: kamême siokpari ti i ayèké tonga

na bingba yé, fadé a voulou tonga na neige; kamême siokpari ti i ayèké tonga na bingba yé so avouko, fadé a voulou tonga na koua ti ngassangbaga.

**Matthieu 11:28**

I ga na Mbi, i kouè so i sala koussala na i yèké na koungba so anè, na fadé Mbi mou na i lègué ti ouo tèlé.

**Esaïe 55:1**

Héi, i oko oko kouè so i yèké na nzala ti ngou, i ga na li-ngou! na i so i yèké na nguinsa pèpé, i ga, i vo, na i tè! biani, i ga, i vo vin na dulait, mais na nguinsa pèpé, ouala ti nguélé pèpé.

## 14 Ajo kouè a yèké amelèngué ti Nzapa pèpé

Ajo alingbi hinga amelèngué ti Nzapa na amelèngué ti djabalo na lègué so: ajo kouè so ayèké sala mbilimbili pèpé na ala yèké ndoyè ita ti ala pèpé ayèké ti Nzapa pèpé. —1 Jean 3:10

aRomain 8:14, 15

Tèti ajo kouè so Yingo ti Nzapa afa lègué na ala, ala yèké amelèngué ti Nzapa. Tèti i kamata yingo ti mgba pèpé, si i kiri i douti na mbito; mais i kamata Yingo so assala si i ouara ndo-timelèngué; na ya Yingo so, ani tènè na kongo, Abba! Baba!

aPhilippien 2:15

Tonga so i lingbi ga ajo so tènè ayèké na li ti i pèpé, ajo ti sala

sioni pèpé, amelèngué ti Nzapa so ayèké na sioyé pèpé na popo ti aouagamè ti kirikiri so atambela kirikiri; i yèké sou na popo ti ala na sessé so tonga na assoungoyé.

2 aCorinthien 6:17, 18

Tèti tènè so, I si guigui na popo ti ala, I douti ndè, Seigneur atènè; I ndou' yé ti sioni oko pèpé, Na fadé Mbi kamata i, Na Mbi ga Baba ti i, Na fadé i yèké amelèngué ti Mbi ti koli na amelèngué ti Mbi ti ouali, Seigneur Ti Ngangou Aho Kouè atènè.

Mais ajo oko oko kouè so akamata Lo na ama na bè na iri ti Lo, Lo mou lègué na ala ti ga amelèngué ti Nzapa. —Jean 1:12



aRomain 13:13, 14

A lingbi ani tambela mbilimbili lèguéoko tonga na ajo atambela na kota la'. I tambela pèpé na lègué ti poumba kirikiri na gningo samba, ouala na lègué ti lango-sioni na yé ti pitan, ouala na lègué ti papa na salango bè'; mais i you Seigneur Jésus-Christ, na i bi bè ti i na yé ti mi-télé pèpé ti sala si nzala ni assî.

Ajo kouè ahinga koussala ti mi-télé ayèké so: lango-sioni, sioyé, yé ti pitan, sambelango ayanda, téné ti yolo, kèngo télé, guingo téné, salango manda, ngonjo, papa, téné ti kangbi, téné ti secte ndè ndè, bè', gnongo samba,

poumba kirikiri, na mbèni yé tonga so. Fadé so mbi oua i téné ti yé so kouè, lèguéoko tonga na mbi oua i kodjoni; ajo so assala yé so, fadé ala ga ahéritier ti royaume ti Nzapa pèpé. —aGalate 5:19-21

Esaië 5:11

Voundou aga na ajo so aloundou fadé fadé na nda-pelélé si ala lingbi gno samba; ala so adouti na bi yongoro mingui juska vin assalla ala tonga na oua!

Mo ba vin pèpé tonga na a yèké bingba, Tonga na a za na ya kopo, Tonga na sango ni ayèké ndjoni. Na ndani, fadé a tè jo tonga na ngbo', Na a kpo jo tonga na palakongo. —Proverbe 23:31, 32

Matthieu 22:37, 38

Jésus aténé na lo, A lingbi mo ndoyè Seigneur Nzapa ti mo na bè ti mo kouè, na âme ti mo kouè, na bibè ti mo kouè. So ayèké kota commandement na commandement ti kodjoni.

Tonga na Jésus ayèké gouè na lègué, mbèni jo akpè ti ga na Lo, na lo koukou na sessé na gbèlé Lo, lo hounda Lo, Maître ndjoni, a lingbi mbi sala gnè ti ouara fini ti la' kouè la' kouè? Jésus aténé na lo, Tèti gnè mo téné Mbi yèké ndjoni? Jo oko ti ndjoni ayèké pèpé, gui Nzapa oko. Mo hinga commandement: A lingbi mo fa' jo pèpé, A lingbi mo sala lango-

sioni pèpé, A lingbi mo sala ndji pèpé, A lingbi mo sala téné ti tèmoin ti ouataka pèpé, A lingbi mo sala ndji na lègué ti handa pèpé, A lingbi mo yèkia baba na mama ti mo. Jo so aténé na Lo, Maître, mbi bata yé so kouè, a commencé na la' ti pèndéré ti mbi juska fadé so. Jésus aba lo, Lo ndoyè lo, na Lo téné na lo, Mo manqué gui yé oko, mo gouè, mo ka yé so ayèké na mo, mo mou nguinza ni na aouanzinga, na fadé mo yèké na mossoro na yayou. Na mo ga mo tambela na pèko ti Mbi. Mais lè ti lo abian tèti téné so, na lo gouè na voundou, tèti lo yèké na mossoro mingui. —Marc 10:17-22

aEphésien 5:6

I djia jo oko ahanda i na tènè sènguè pèpé; a yèké tètì yé so si ngonjo ti Nzapa aga na li ti amelènguè so akè tènè.

I hinga pèpé? fadé ajo ti kirikiri aga ahéritier ti royaume ti Nzapa pèpé. I handa tèle ti i pèpé; ajo ti pitan, ajo ti sambela ayanda, ajo so assala lango-sioni, ajo so assala yé ti kamela na tèle ti ala na popo ti ala, akoli so assala lango-sioni na mbèni koli, aouandji, na ajo so bè' assala ala, amgba ti samba, aouazonga, na ajo ti gbo yé na ngangou, fadé ajo tonga so aga ahéritier ti royaume ti Nzapa pèpé. —1 aCorinthien 6:9, 10

Jacques 1:22

Mais i sala yé so Tènè ni afa na i, i ma sènguè pèpé ti handa tèle ti i mvèni.

1 Jean 3:7, 8a

Akèté melènguè, djia jo oko afa lèguè ti kirikiri na i pèpé; jo so ayèké sala mbilimbili ayèké mbilimbili, lèguèoko tonga na Lo yèké mbilimbili; jo so ayèké sala siokpari ayèké ti djabalo, tètì djabalo ayèké sala siokpari, lo commencé na la' ti kodjoni. . . .

aGalate 6:3

Tètì tonga na mbèni jo atènè na bè ti lo, lo yèké kota jo, tonga na lo yèké gui jo sènguè, jo so ayèké handa tèle ti lo mvèni.

Jacques 1:15

Na ndani, tonga na nzala so amè ngô aouè, a dou siokpari; na siokpari, tonga na a ga kota aouè, adou kouï.

aRomain 8:6

Tèti bibè ti mi-télé ayèké kouï, mais bibè ti Yingo ayèké fini na siriri.

Ezéchiël 18:20

Ame so assala siokpari, fadé a kouï; fadé melènguè ayo sioyé ti baba pèpé, na baba ayo sioyé ti melènguè pèpé; fadé mbilimbili ti jo ti mbilimbili ayèké na li ti lo mvèni, na sioyé ti jo ti sioni ayèké na li ti lo mvèni.

Luc 15:32

Mais a yèké ndjoni ani sala nguia, ani douti na nguia, tèti ita ti mo ti koli so akouï aouè, lo kiri na fini; lo glissa aouè, na a ouara lo.

Proverbe 11:19

Jo so angba na lègué ti mbilimbili, lo si na fini, Na jo so agouè na lègué ti sioni, lo ouara kouï da.

aRomain 5:12

Tonga so, lèguéoko tonga na siokpari aga na sessé so na lègué ti jo oko, na kouï aga na lègué ti siokpari, tonga so kouï assi na ajo kouè, tèti ajo kouè assala siokpari.

**Jean 11:43, 44**

Tonga na Lo tènè tonga so aouè, Lo tènè na kongo, Lazare, si guigui! Lo so akouï aouè, lo si guigui, na bongo ti koua' akanga maboko ti lo na guélé ti lo kouè, na mouchoir akanga lè ti lo. Jésus atènè na ala, I dji lo, i djia lo gouè.

**Jean 10:17, 18**

Tèti tènè so, Baba andoyè Mbi, tèti Mbi djia fini ti Mbi, si Mbi lingbi kiri ti kamata fini ni. Jo oko alounguela fini so na ti ti Mbi pèpé, mais Mbi djia fini so na bè ti Mbi mvèni. Mbi yèké na ngangou ti djia fini so, na Mbi yèké na ngangou ti kiri ti kamata fini so;

Baba ti Mbi amou commandement so na Mbi.

**Apocalypse 1:18**

Na Jo So Ayèké Na Fini; Mbi kouï aouè, mais mo ba, Mbi yèké na fini tèti la' kouè la' kouè, na Mbi yèké na clé ti kouï na clé ti ndo-ti-aouakinda.

**Luc 7:14, 15a**

Lo gouè ndoulou, Lo ndou' tangué ti koua' ni, na ala so ayo koua' ni alouti. Lo tènè, Pèndèré koli, Mbi tènè na mo, mo loundou! Na lo so akouï aouè aloundou, lo douti, na lo commencé ti sala tènè. . . .

Deutéronome 5:7-21

A lingbi mo yéké na ambèni nzapa ndè pèpé, gui Mbi oko.

A lingbi mo sala mbèni yanda so a lèké na kodè tètì mo mvèni pèpé, ouala mbèni yé so akpa yé ti yayou na ndouzou, ouala a kpa yé ti sessé na gbè yayou, ouala a kpa yé ti ngou na gbè ti sessé; a lingbi mo zoukou télè ti mo na gbèlé yé tonga so pèpé, na mo sambela ala pèpé . . .

A lingbi mo di iri ti L'Eternel Nzapa ti mo sènguè sènguè pèpé; tètì jo so adi iri ti L'Eternel sènguè sènguè, fadé L'Eternel adjia lo ho sènguè pèpé.

A lingbi mo glissa pèpé ti bata la' ti sabbat ndè tètì Nzapa, lèguéoko tonga na L'Eternel Nzapa ti mo acommandé mo. A lingbi mo sala koussala la' omana ti sala koussala ti mo kouè . . .

A lingbi mo yèkia baba na mama ti mo, lèguéoko tonga na L'Eternel Nzapa ti mo acommandé mo . . .

A lingbi mo fa' jo pèpé.

A lingbi mo sala lango-sioni pèpé.

A lingbi mo sala ndji pèpé.

A lingbi mo sala tènè ti témoin ti ouataka pèpé na li ti jo so ayèké ndoulou na mo.

A lingbi bè' assala mo pèpé tènè

ti ouali ti jo so ayèké ndoulou na mo; a lingbi bè' assala mo pèpé téné ti da' ti jo so ayèké ndoulou na mo, ouala yaka ti lo, ouala

mgba ti lo ti koli, ouala mgba ti lo ti ouali, ouala bagara ti lo, ouala lélé ti lo, ouala mbèni yé oko pèpé ti jo so ayèké ndoulou na mo.

## Mo lingbi hondé na Nzapa pèpé 21

Job 34:21, 22

Tèti lé ti Lo aba lègué ti jo, Lo ba tambela ti guélé ti lo kouè. Bingo ayèké pèpé, na bingo ti kouï ayèké pèpé, Ndo so ajo so assala sioyé a lingbi hondé télé ti ala da.

Psaume 139:8 na 12

Tonga na mbi ma' na yayou, Mo yèké ka. Tonga na mbi lèké tangué ti mbi na ndo-ti-aouaki-nda, ba, Mo yèké ka...Même

bingo ni ahondé mbi na lé ti Mo pèpé, Mais bi assou tonga na la'. Bingo ayèké tonga na lumière na lé ti Mo.

Jérémie 23:24

L'Eternel aténé, Mbèni jo a lingbi hondé télé ti lo na ndo ti lingo si Mbi lingbi ba lo pèpé? L'Eternel aténé, A yèké Mbi so Mbi sî singo na ya ti yayou na sessé pèpé?

## Mbanga ti la' kouè a yèké na ndo ala so a kè Nzapa

Matthieu 13:41, 42

Fadé Melèngué Ti Jo ato a-ange ti Lo, na fadé ala lounguela na ya royaume ti Lo yé kouè so assala si ajo ati', na ala so assala siokpari; na fadé ala bi ala na four ti oua; fadé ala toto na ngoulé, na ala tè pèmbé ti ala ka.

Matthieu 18:8

Tonga na maboko ti mo ouala guélé ti mo assala si mo ti', mo fa' lo, mo bi lo yongoro. A yèké ndjoni mo si na fini na maboko so azin ouala guélé so azin, aho ti ngba na maboko ossé ouala guélé ossé, si a bi mo na oua ti la' kouè la' kouè.

2 Pierre 3:7

Mais na lègué ti téné so, A bata ayayou na sessé so ayèké fadé so tète oua, A bata ala tète la' ti fa'ngo mbanga, na la' ti fouti ajo na ndo-ti-oua, ajo so akè Nzapa.

Psaume 9:18

Fadé ajo ti sioni agouè na ndo-ti-aouakinda, Même amara kouè so aglissa Nzapa.

Matthieu 25:46

Na fadé ala so agouè na ya mbanga ti la' kouè la' kouè; mais ajo ti mbilimbili agouè na ya fini ti la' kouè la' kouè.



**Koussala ti aBazènguèlé 17:31**

Tèti Lo diko la' ni so fadé Lo fa' mbanga ti sessé so mbilimbili na lègué ti Jo so Lo iri Lo na guigui; Lo sala si ajo kouè alingbi hinga téné so ayèké biani tèti Lo ya Lo na popo ti aouakinda.

**2 Pierre 2:9**

Tonga so Seigneur ahinga lègué ti dji ajo na ya yé so atara ala, ala so akpè mbito ti Nzapa, na Lo hinga lègué ti bata ajo ti kirikiri na gbè ti mbanga juska na la' ti fa'ngo mbanga.

**1 Jean 4:17**

Ndoyè alingbi kouè na ya ani, tonga so ani yèké na mbito pèpé

na la' ti fa'ngo mbanga, tèti lèguéoko tonga na Lo yèké, ani yèké tonga so nga na sessé so.

**aHébreu 9:27**

Na tèti a diko na jo ti kouï lègué oko, na pèko ni mbanga aga.

**2 aCorinthien 5:10**

Tèti a yèké mbanga ti ani kouè ti si na gbèlé nguèndé ti mbanga ti Christ, si ajo oko oko kouè alingbi ouara fouta ti yé so ala sala na ya tèlé, alingbi na yé so ala sala, tonga na a yèké yé ti ndjoni ouala yé ti sioni.

**aRomain 14:12**

Tonga so fadé ani oko oko kouè akiri téné ti ani mvèni na Nzapa.

1 Pierre 5:5b

... tètì Nzapa akè ajo ti kpingba li, mais Lo mou grâce na ajo so ayèké na tâ' bè ti melèngué.

2 aCorinthien 8:9

Tètì i hinga grâce ti Seigneur ti ani Jésus-Christ, kamême Lo yèké na mossoro, Lo ga ouanzi nga tètì i, si i lingbi ouara mossoro na lègué ti nzinga ti Lo.

2 aCorinthien 9:15

Merci na Nzapa tètì Matabissi ti Lo so jo alingbi fa nda ni kouè pèpé!

Koussala ti aBazènguélé 4:33

Na abazènguélé afa téné ti témoin ti ala ngangou mingui téné

ti loundoungou ti Seigneur Jésus; na grâce mingui adouti na ndo ala kouè.

aRomain 5:15

Mais matabissi ayèké tonga na kèngo-ndia pèpé. Tètì tonga na ajo mingui akoui mbanga ti kèngo-ndia ti jo oko, grâce ti Nzapa na matabissi so aga na lègué ti grâce ti Jo oko so, Jésus-Christ, aouou mingui aho tètì ajo mingui.

aRomain 9:16

Tonga so yé ni aga na jo pèpé tètì lo yè ouala tètì lo kpè ti ouara, mais a loundou na Nzapa so assala bè-ndjoni.

**Koussala ti aBazènguèlé 17:30**

Tonga so, ngoy so ajo ahinga yé pèpé, Nzapa aba sèngué; mais fadé so Lo commandé ajo kouè na ndo kouè ti changé bè ti ala.

**Luc 13:3**

Mais tonga na i changé bè ti i pèpé, fadé i kouè i kouï lèguéoko tonga na ala.

**Koussala ti aBazènguèlé 3:19**

Tonga so i changé bè ti i, i changé lègué ti i, si Nzapa alingbi mbo' siokpari ti i, na ngoy ti kiri ti ouara ngangou alingbi loundou na gbèlé Seigneur ti ga na i.

**Koussala ti aBazènguèlé 2:38**

Pierre aténé na ala, I changé bè ti i, i ajo oko oko kouè, i kamata

baptême na iri ti Jésus-Christ, tonga so Nzapa alingbi pardonné siokpari ti i; na fadé i ouara matabissi ti Yingo Voulou.

**2 aCorinthien 7:10**

Tèti voundou so aloudou na Nzapa assala si ajo achangé bè ti ala, si ala ouara salut so voundou ayèké da pèpé; mais voundou ti sessé so amou kouï.

**Matthieu 3:2**

Lo téné, I changé bè ti i, tètï royaume ti yayou ayèké ndoulou.

I bi kèngo-ndia ti i kouè yongoro na télé ti i, kèngo-ndia so i sala; na i sala fini bè na fini yingo tètï i; i yè ti kouï tètï gnè? O ajo ti da' ti Israël. —Ezéchiel 18:31

**Ezéchiël 18:21**

Mais tonga na jo ti sioni adjia lègué ti lo na siokpari kouè ti lo so lo sala, lo bata kpingba-ndia ti Mbi kouè, na lo sala yé so ayèké na lègué ni na ayèké mbilimbili, fadé lo ngba na fini biani, lo koui pèpé.

**Apocalypse 3:20**

Ba, Mbi louti na yanga ti da', Mbi golo; tonga na mbèni jo ama yanga ti Mbi na lo lounguela yanga ti da' ni, fadé Mbi li na ya ni na lo, Mbi tè kobé na lo, na fadé lo tè na Mbi.

**Esaïe 55:7**

Djia jo ti sioni akè lègué ti lo, na jo ti kirikiri akè bibè ti lo; djia lo

kiri na L'Eternel, na fadé Lo sala bè-ndjoni na lo; djia lo kiri na Nzapa ti ani, na fadé Lo pardonné lo kouè.

**Koussala ti aBazènguèlé 5:31**

Nzapa aya Lo na ndouzou na koti ti Lo ti ga Makounzi na Sauveur, ti sala si ajo ti Israël achangé bè ti ala, na ala ouara pardon ti siokpari.

**Marc 2:5**

Tonga na Jésus aba mabè ti ala, Lo téné na jo ti kobèla, Melèngué, A pardonné siokpari ti mo aoué.

**Matthieu 6:14**

Tèti tonga na i pardonné siokpari ti ajo, fadé Baba ti i na yayou apardonné i nga.

**Tite 2:11, 12**

Grâce ti Nzapa so aga na salut tètì ajo kouè assi aouè, a fa lègué na ani ti kè yé so akè Nzapa, na ti kè nzala ti yè ti sessé, si ani bata télè ti ani, na ani sala mbilimbili, na ani bata téné ti Nzapa na ngoy so.

**aColossien 3:2**

I djia bè ti i na yé so ayèké na ndouzou; i djia bè ti i pèpé na yé so ayèké na sessé.

**1 Jean 2:15, 16**

I ndoyè sessé so pèpé, ouala yé so ayèké na sessé so. Tonga na mbèni jo andoyè sessé so, ndoyè ti Baba ayèké na ya lo pèpé; tètì yé kouè so ayèké na sessé so, nzala ti

mi-télé, nzala ti lé, na fandara ti fini, aloudou na Baba pèpé, mais a loundou na sessé so.

I sala bèoko pèpé na koussala ti bingo so alé' pèpé, mais a yèké ndjoni aho, i fa sioni ti ala na guigui. —aEphésien 5:11

**Esaïe 1:16**

I soukoula, i sala si i voulou; i loundoula sioyé so i sala na gbèlè Mbi; i djia ti sala sioni.

**aRomain 12:2**

Na i tambela na lègué ti sessé so pèpé, mais i changé lègué ti i na lègué ti bibè ti fini, si i lingbi hinga yé so Nzapa ayè, yé so ayèké ndjoni, yé so alingbi na lé ti Lo, na yé so alingbi kouè.

Ezéchiél 36:26

Fadé Mbi mou fini bè na i nga, na Mbi djia fini yingo na ya i; na fadé Mbi lounguela bè ti téné na ya télè ti i, na Mbi mou na i tâ' bè ti jo.

Tonga na i hinga Lo yèké mbilimbili, a lingbi i hinga nga ajo kouè so ayèké sala mbilimbili, Lo dou ala. —1 Jean 2:29

2 aCorinthien 5:17

Tonga so, tonga na mbèni jo ayèké na ya Christ, lo yèké création ti fini. Yé ti guiriri aho aouè; ba, fini yé assi aouè.

1 Jean 5:18

Ani hinga jo so Nzapa adou lo, lo ngba ti sala siokpari pèpé, mais

Lo so Nzapa adou Lo, Lo bata jo so, na ouato-sioni agbo lo pèpé.

Jean 3:3

Jésus akiri téné na lo, Biani, biani, Mbi téné na mo, tonga na A kiri A dou jo mbèni pèpé, lo lingbi ba royaume ti Nzapa pèpé.

1 Pierre 1:23

Tèti A dou i mbèni pèpé na lé' ni so alingbi fouti, mais na lé' ni so alingbi fouti pèpé, na lègué ti Téné ti Nzapa, so ayèké na fini na angba la' kouè la' kouè.

Jean 1:12

Mais ajo oko oko kouè so akamata Lo na ama na bè na iri ti Lo, Lo mou lègué na ala ti ga amelègué ti Nzapa.

## **Koui na siokpari — doutingo na fini na ya Christ 29**

**aEphésien 2:1 na 6**

Lo mou fini na i so i kouï guiriri na lègué ti kèngo-ndia na lègué ti siokpari ti i... Lo ya ani na ndouzou lèguéoko na Lo, na Lo sala si ani doudi lèguéoko na Lo na yayou na ya Christ Jésus.

**aColossien 3:1**

Tonga so, tonga na A ya i na ndouzou lèguéoko na Christ, i gui yé so ayèké na ndouzou, na ndo so Christ adoudi na koti ti Nzapa.

**1 Pierre 2:24**

Lo yo siokpari ti ani na télè ti Lo mvèni na kèké, si ani so akouï aouè ti djia siokpari, ani lingbi ngba na fini ti sala mbilimbili. Na lègué ti ka ti Lo, ani ga ndjoni.

Ala so ayèké ti Christ Jésus, ala fa' mi-télé na kèké-ti-croix, na nzala kouè ti mi-télé, na yé so mi-télé ayè. —aGalate 5:24

Kètè pépé! Ani so ani kouï aouè ti djia siokpari, fadé ani ngba ti doudi na ya ni tonga na gnè? ... Tonga so i ba i mvèni tonga na ajo so akouï aouè ti djia siokpari, na tonga na ajo so ayèké na fini tètì Nzapa na ya Christ Jésus. —aRomain 6:2 na 11

Na i, so i kouï guiriri na lègué ti kèngo-ndia ti i, na i kouï na lègué ti mi-télé ti i so a fa' na nganza pépé, Lo mou fini na i lèguéoko na Lo, na Lo pardonné kèngo-ndia kouè ti ani. —aColossien 2:13

Tèti jo so alou yé tèti mi-télé ti lo mvèni, fadé lo fa' lé'ngo ti mi-télé so afouti; mais jo so alou yé tèti Yingo, fadé lo fa' lé'ngo ti Yingo, so aténé fini ti la' kouè la' kouè. —aGalate 6:8

Jean 3:14, 15

Lèguéoko tonga na Moïse aka-nga ngbo' na ndouzou na yando guiriri, a lingbi ala kanga Melènguè Ti Jo na ndouzou tonga so nga, si jo so ama na bè na Lo ayèké na fini ti la' kouè la' kouè.

Na so ayèké fini ti la' kouè la' kouè: ti hinga Mo, Mo so gui Mo oko ayèké tâ' Nzapa, na ti hinga Jésus-Christ, Lo so Mo to Lo aouè. —Jean 17:3

Jean 3:36

Jo so ama na bè na Melènguè ni ayèké na fini ti la' kouè la' kouè; mais lo so ama na bè na Melènguè ni pèpé, fadé lo ba fini pèpé, mais ngonjo ti Nzapa angba na ndo lo.

aRomain 6:23

Tèti fouta ti siokpari ayèké kouï; mais matabissi ti Nzapa ayèké fini ti la' kouè la' kouè na ya Christ Jésus Seigneur ti ani.

Jean 5:24

Biani, biani, Mbi téné na i, jo so ama téné ti Mbi na ama na bè na Lo so ato Mbi, jo so ayèké na fini ti la' kouè la' kouè, na lo si na mbanga pèpé, mais lo ho kouï aouè, lo si na fini.



Lègué ti hinga mo yèké na fini ti la'  
kouè la' kouè

31

Esaië 32:17

Fadé koussala ti mbilimbili amou siriri; na fouta ti mbilimbili ayèké ti ouo tèle na ti douti na siriri la' kouè la' kouè.

Na tėti i yèké amelèngué, Nzapa ato Yingo ti Melèngué ti Lo na bè ti ani aouè, Lo téné na kongo, Abba! Baba! —aGalate 4:6

aRomain 8:16

Yingo mvèni assala téné ti témoin na yingo ti ani, Lo téné ani yèké amelèngué ti Nzapa.

Jean 14:21

Jo so ayèké na commandement ti Mbi, na lo bata commandement ni, a yèké lo so andoyè Mbi; na jo

so andoyè Mbi, fadè Baba ti Mbi andoyè lo, na fadè Mbi ndoyè lo, na fadé Mbi fa Mbi mvèni na lo.

1 Jean 3:18, 19

Akèté melèngué, a lingbi ani ndoyè na téné, ouala na mènka pèpé, mais na koussala na téné-biani. Na lègué so ani hinga ani yèké ti téné-biani, na ani sala si bè ti ani adouti ndjoni na gbèlé Lo.

1 Jean 4:13

Lo mou na ani Yingo ti Lo, tonga so ani hinga ani douti na ya Lo na Lo douti na ya ani.

Ani hinga ani hinga Lo biani, gui tonga na ani bata commandement ti Lo. —1 Jean 2:3

# 32 Christ A mou tâ' nguia na ala so Lo douti na ya bè ti ala

Jean 17:13

Mais fadé so Mbi ga na Mo; na Mbi téné yé so tonga na Mbi dè na sessé so, si tâ' nguia ti Mbi alingbi si bè ti ala.

aRomain 14:17

Tèti royaume ti Nzapa ayèké téné ti têngo yé na gnongo yè pèpé; mais a yèké mbilimbili na siriri na tâ' nguia na ya Yingo Voulou.

aGalate 2:20

Mbi koui aouè na kèké-ti-croix na Christ; a yèké mbi so mbi dè na fini pèpé, mais Christ adouti na fini na ya mbi; na fini so mbi douti na ni na ya mi-télé fadé so, mbi

douti na ni na lègué ti mabè so ayèké na ya Melèngué Ti Nzapa, Lo so andoyè mbi, na Lo mou Lo mvèni na koui tètè mbi.

Esaië 12:3

Tonga so fadé i to ngou na dOUNGOU ti salut na nguia.

Jean 15:11

Mbi téné téné so na i, si tâ' nguia ti Mbi alingbi douti na ya i, na si tâ' nguia ti i alingbi si sîngo.

Psaume 16:11

Fadé Mo fa na mbi lègué ti fini; Nguia assî sîngo na gbèlé Mo, Yé so anzéré ayèké na koti ti Mo la' kouè la' kouè.

1 Samuel 12:15

Mais tonga na i ma yanga ti L'Eternel pèpé, na i kè commandement ti Lo, fadé ti ti L'Eternel assala ngangou na i, lèguéoko tonga na Lo sala ngangou na akotara ti i guiriri.

aRomain 6:16

I hinga pèpé? jo so i mou tèle ti i na lo ti ga amgba ti ma yanga ti lo, i yèké amgba ti lo so i ma yanga ti lo; i yèké amgba ti siokpari ti si na kouï, ouala i yèké amgba ti mango tènè ti si na mbilimbili.

2 aThessalonicien 1:7-9

Na i so i yèké hou pono, fadé Lo sala si i douti ndjoni lèguéoko na

ani, na la' ni so Seigneur Jésus assi guigui na yayou na a-ange ti ngangou ti Lo na ya mènka-oua, tonga na Lo ga ti fouta koula na ajo so ahinga Nzapa pèpé, na ala so akè ti ma Tènè-ndjoni ti Seigneur ti ani Jésus. Fadé ala ouara mbanga na A fouti ala la' kouè la' kouè . . .

Deutéronome 11:26-28a

Ba, la' so mbi djia tènè ti ndjoni na tènè ti zonga na gbèlé i; tènè ti ndjoni, tonga na i ma tènè ti commandement ti L'Eternel Nzapa ti i, so mbi commandé i la' so; na tènè ti zonga, tonga na i ma tènè ti commandement ti L'Eternel Nzapa ti i pèpé . . .

## A lingbi mo fa na guigui téné ti mabè ti mo na ya Christ

aPhilippien 2:11

Na a lingbi mènka oko oko kouè aténé na guigui so Jésus-Christ ayèké Seigneur, tètì gloire ti Nzapa Baba.

Matthieu 10:32, 33

Tonga so jo so assala téné ti Mbi na guigui na gbèlé ajo, fadé Mbi sala téné ti lo na guigui nga na gbèlé Baba ti Mbi so ayèké na yayou. Mais jo so abèlé téné ti Mbi na gbèlé ajo, fadé Mbi bèlé téné ti lo nga na gbèlé Baba ti Mbi so ayèké na yayou.

Tonga na mo téné na guigui na yanga ti mo so Jésus ayèké Seigneur, na tonga na mo ma na

bè ti mo so Nzapa aya Lo na popo ti aouakinda, fadé mo ouara salut. Tètì jo ama na bè ti lo ti ga mbilimbili; na lo sala téné ni na guigui na yanga ti lo ti ouara salut. —aRomain 10:9, 10

Jo so akè Melènguè, lo yèké na Baba pèpé; lo so afa téné ti Melènguè na guigui, lo yèké na Baba nga. —1 Jean 2:23

Tètì jo so ayèké na kamela tètì Mbi na tètì téné ti Mbi, fadé Melènguè Ti Jo ayèké na kamela tètì jo so, na la' ni so Lo ga na ya gloire ti Lo mvèni, na gloire ti Baba, na gloire ti a-ange ti ndjoni-kouè. —Luc 9:26

1 Pierre 5:8

I douti na donji, i sala sinziri!  
Ouato ti i djabalo ayèké tambela  
tonga na bamara so atoto, na lo  
yèké gui jo so lo lingbi tè lo.

Matthieu 4:1 na 10, 11

Tonga so Yingo afa lègué na  
Jésus ti gouè na yando si djabalo  
alingbi handa Lo... Tonga so  
Jésus atèné na lo, Gouè ka, Satan!  
tèti Mbèti ti Nzapa atèné, A li-  
ngbi mo sambela Seigneur Nzapa  
ti mo, na mo sala gui na Lo oko.  
Tonga so djabalo adjia Lo, na ba,  
a-ange aga, na ala sala na Lo.

2 aThessalonicien 2:9

Singo ti jo ti kè ndia ayèké na  
lègué ti koussala ti Satan, na

lègué ti kota ngangou, na fa ndè  
ndè, na yé ti kpéné kouè ti  
ouataka.

aEphésien 6:11

I you yé ti bira ti Nzapa kouè, si  
i lingbi louti ti kè mayélé ti  
djabalo.

Koussala ti aBazènguélé 26:18

Ti lounguela lé ti ala si ala  
lingbi djia bingo ti ga na lumière,  
na ala si guigui na gbè ti ngangou  
ti Satan ti ga na Nzapa. Mbi to  
mo si ala so ama na bè na Mbi ali-  
ngbi ouara pardon ti siokpari na  
yé ti héritier ti ala na popo ti ajo  
so Mbi bata ala ndè tèti Mbi  
mvèni.

2 aThessalonicien 2:8

Tonga so fadé jo ti kè ndia assi na lé ti ajo, lo so fadé Seigneur Jésus afa' lo na mbo' ti yanga ti Lo, na Lo fouti lo na soungo ti singo ti Lo.

Jacques 4:7, 8a

Tonga so i ma Nzapa, mais i kè djabalo, na fadé lo kpè i. I ga ndoulou na Nzapa, na fadé Lo ga ndoulou na i. . . .

aRomain 8:35 na 37

Fadé jo gnè alingbi kangbi ani na ndoyè ti Christ? pono? ouala yé ti voundou? ouala yé ti ngangou mingui? ouala boma? ouala télè sènguè? ouala yé so ayè

ti fa' jo? ouala épée? . . . Mais, na lègué ti Lo so andoyè ani, ani ho yé so kouè na ngangou.

aHébreu 2:14

Tonga so, tètì amelènguè ayèké ti mènè na mi-tèlé, Lo mvèni akamata télè tonga so nga, si na lègué ti kouï Lo lingbi fouti lo so ayèké na ngangou ti mou kouï, so atèné, djabalo.

1 Jean 3:8

Jo so ayèké sala siokpari ayèké ti djabalo, tètì djabalo ayèké sala siokpari, lo commencé na la' ti ko-djoni. A yèké tètì so si Melènguè Ti Nzapa aga ti fouti koussala ti djabalo.

1 Jean 4:20

Tonga na jo aténé, Mbi ndoyè Nzapa, na lo kè ita ti lo, lo yèké ouavéné; tètì lo so andoyè ita ti lo pèpé, lo so lo ba lo aouè, lo lingbi ndoyè Nzapa pèpé, Lo so lo dè lo ba Lo pèpé.

1 aCorinthien 13:1

Tonga na mbi sala téné na yanga ti ajo ndè ndè na ti a-ange, mais ndoyè ayèké na mbi pèpé, mbi ga guènguèré ouala kpôlo so atoto ngangou.

Jean 13:35

Na lègué so, fadé ajo kouè ahinga i yèké adisciple ti Mbi, tonga na i ndoyè tèle ti i na popo ti i.

aGalate 5:22, 23a

Mais lé'ngo ti Yingo ayèké ndoyè, tâ' nguia, siriri, bè-nzé-pèpé, ndjobè, bè ti sala ndjoyé, bè-biani, tâ' bè ti melèngué, na ngangou ti kanga nzala ti tèle ...

Jean 21:16

Lo kiri Lo hounda lo lègué ossé ni, Simon melèngué ti Jean, mo ndoyè Mbi? Pierre aténé na Lo, Biani, Seigneur, Mo hinga mbi yè Mo. Jésus aténé na lo, Bata angassangbaga ti Mbi.

1 Jean 3:14

Ani hinga ani si guigui na ya kouï aouè na ani si na ya fini, tètì ani ndoyè aïta ti ani. Lo so ayèké na ndoyè pèpé, lo ngba na ya kouï.

## 38 Loundoungo ti Jésus na popo ti aouakinda

Tonga na Jésus aloudou aouè na nda-pelèlé na kodjo la' ti semaine, Lo si kodjoni na Marie ti Magdala, lo so Lo touma ayingo sioni mbassambala na ya ti lo guiriri. —Marc 16:9

Ani hinga, Lo so aya Seigneur Jésus guiriri, fadé Lo ya ani lèguéoko na Jésus, na fadé Lo sala si ani na i assi na gbèlé Lo.

—2 aCorinthien 4:14

Na péko ti la' miombé, adisciple ti Lo ayèké na ya da' mbéni, na Thomas ayèké na ala. Ala kanga yanga ti da' aouè, mais Jésus aga, Lo louti na popo ti ala, Lo téné, Siriri adouti na i! Tonga so Lo téné na Thomas, Ye liti ti mo na ba maboko ti Mbi, na yè maboko

ti mo na mo yoro maboko ti mo na katé ti Mbi; mo djia ti dèkité mais mo ma na bè. Thomas akiri téné na Lo, Seigneur ti mbi, na Nzapa ti mbi! —Jean 20:26-28

Ani yèké atémoin ti yé kouè so Lo sala na sessé ti aJuif, na Jérusalem nga; Lo so ala fa' Lo, na ala kanga Lo na ndouzou na kèké. Nzapa aya Lo na ndouzou na la' ota ni, na A mou lègué na Lo ti si na lé ti ajo; Lo si na lé ti ajo kouè pèpé, mais gui na ani, atémoin so bè ti Nzapa ayè ani kodjoni, ani so ani tè na gno na Lo na péko ti loundoungo ti Lo na popo ti aouakinda.

—Koussala ti aBazènguèlé 10:39-41



# Loundoungo ti Jésus a yèké bèkou ti ani 39

Jean 5:25 na 28, 29

Biani, biani, Mbi téné na i, l'heure ni ayèké ga, na a si aoué fadé so, l'heure ni so fadé aouakinda ama yanga ti Melègué Ti Nzapa, na ala so ama, fadé ala yèké na fini. . . .Djia bè ti i ado pèpé, téné ti yé so; tètì l'heure ayèké ga so ajo kouè so ayèké na dou-koua', fadé ala ma yanga ti Lo, na ala si guigui. Ala so assala ndjoni, fadé ala loundou ti ouara fini, na ala so assala sioni, fadé ala loundou ti ouara mbanga.

I hinga pèpé? ani kouè so a baptisé ani na ya Christ Jésus, a baptisé ani na ya koui ti Lo. Tonga so a lou ani lèguéoko na Lo, na

lègué ti baptême, na ya koui; tètì lèguéoko tonga na A ya Christ na popo ti aouakinda na lègué ti gloire ti Baba, tonga so a lingbi ani tambela na fini lègué so amou fini. Tètì tonga na ani ga oko na Lo na ya koui so ayèké tonga na koui ti Lo, fadé ani ga oko na Lo nga na ya loundoungo so ayèké tonga na loundoungo ti Lo. . . . na ani hinga, tètì A ya Christ na popo ti aouakinda, Lo koui mbèni pèpé; koui acommandé Lo mbèni pèpé. —aRomain 6:3-5 na 9

Lo so Nzapa amou Lo tètì kèngo-ndia ti ani, na A ya Lo na ndouzou si A diko ani ajo ti mbi-imbili. —aRomain 4:25

## A lingbi ajo ti Nzapa a ga ndjoni-kouè tèti L'Eternel

Luc 1:74, 75

Ti mou lègué na ani, na ti sau ani na ti ti aouato ti ani, si ani lingbi sala na Lo na mbito pèpé Na lègué ti bè-voulou na mbili- mbili na gbèlé Lo na la' ti ani kouè.

Tonga so, aïta so mbi ndoyè i mingui, tèti ani yèké na jéndo so, djia ani soukoula ani mvèni ti lounguela sioni kouè ti mi-télé na ti yingo; na lègué ti mbito ti Nzapa, djia ani ga ajo ti bè-voulou biani. —2 aCorinthien 7:1

Tonga so, tonga na mbèni jo akangbi na yé so, fadé lo ga ta ti voro so a bata lo ndè tèti Nzapa,

lo lingbi na koussala ti Mvèni ti lo, lo lingbi na ndjo koussala kouè. —2 Timothée 2:21

1 Pierre 1:2

Ala so Nzapa Baba aïri ala na guigui na lègué ti yé so Lo hinga guiriri kodjoni, na lègué ti Yingo so abata i ndè tèti Nzapa, si i ma yanga ti Jésus-Christ, na A ki mènè ti Lo na ndo i. Grâce na siriri aouou na ndo i.

aEphésien 1:4

Lèguéoko tonga na Lo iri ani na ya Lo guiriri kodjoni si A sala guélé ti sessé, si ani ga ndjoni-kouè, na sioyé kètè pèpé, na gbèlé Lo na ya ndoyè.

# A lingbi ajo ti Nzapa a ga ndjoni-kouè tèti L'Eternel

41

Esaië 35:8

Fadé kota lègué ayèké ka, na a di iri ti lègué so Lègué ti Ndjoni-kouè; fadé ajo so aga sioni alingbi tambela da pèpé; mais lègué so ayèké tèti ajo so A ton' ala; ajo so atambela na lègué so, même tonga na ala yèké aouabouba, ala lingbi glissa lègué ni pèpé.

1 Pierre 1:15

Mais lèguéoko tonga na Lo so aïri i ayèké ndjoni-kouè, i nga, i ga ndjoni-kouè na lègué ti i kouè.

Matthieu 3:11

Biani, mbi baptisé i na ngou tèti i changé bè ti i aouè, mais Lo so

aga na pèko ti mbi, Lo yèké na ngangou aho mbi, na mbi lingbi na Lo pèpé, même ti yo poro ti guélé ti Lo. Fadé Lo baptisé i na Yingo Voulou na oua.

Tèti téné so, Jésus nga ahou pono na guigui na pèko ti yangakodro, si Lo lingbi bata ajo ndè tèti Lo mvèni na lègué ti méné ti Lo mvèni. —aHébreu 13:12

1 Jean 1:9

Tonga na ani téné siokpari ti ani na guigui, Lo yèké Bè-Tâ'-Jo, na Jo Ti Mbilimbili, na fadé Lo pardonné siokpari ti ani na Lo soukoula yé ti kirikiri kouè ti ani.

Luc 11:13

Tonga so, tonga na i so i yèké sioni, i hinga lègué ti mou matabissi ti ndjoni na amelèngué ti i, fadé Baba ti i na yayou ayè mingui aho pèpé ti mou Yingo Voulou na ala so ahounda Lo?

Koussala ti aBazènguèlé 1:8a

Mais fadé i ouara ngangou tonga na Yingo Voulou aga na ndo i; na fadé i ga atémoin ti Mbi...

Ezéchiél 36:27

Fadé Mbi djia Yingo ti Mbi na ya i, na Mbi sala si i tambela na lègué ti kpingba-ndia ti Mbi, na

fadé i bata kpingba-tèné ti Mbi, na i sala na lègué ni.

aRomain 8:9

Tonga na Yingo ti Nzapa adouti na ya i, i yèké na ya mi-télé pèpé; mais i yèké na ya Yingo. Tonga na jo ayèké na Yingo ti Christ pèpé, jo so ayèké ti Lo pèpé.

Koussala ti aBazènguèlé 13:52

Na adisciple assî na tâ' nguia na Yingo Voulou.

Koussala ti aBazènguèlé 4:31

Tonga na ala sambela aouè, ndo so ala bongbi da ayingui; ala koué assî na Yingo Voulou, na ala fa tèné ti Nzapa na mbito pèpé.

**Psaume 34:19**

L'Eternel ayèké ndoulou na ajo so bè ti ala afa' aouè, Na Lo sau ala so yingo ti ala ayèké na voundou.

**Esaïe 66:2**

Tètì ti ti Mbi assala yé so kouè si yé so kouè assi tonga so, L'Eternel aténé. Mais tonga na jo ayèké na tâ' bè ti melèngué, na yingo ti lo ayèké na voundou, na tèle ti lo ado tonga na lo ma téné ti Mbi, fadé lé ti Mbi ayèké na ndo lo.

**Apocalypse 21:4**

Fadé Lo mbo' ngoulé kouè na lé ti ala, na koui ayèké mbèni pèpé.

Voundou, ouala toto, ouala sana, ayèké mbèni pèpé tètì kodjo yé ni aho aouè.

**Psaume 37:3**

Djia bè ti mo na L'Eternel, na mo sala ndjoni; Sala kodro na sessé ni, na fadé bè-biani ti Lo aga kobé ti mo.

**1 Pierre 4:12, 13**

I so mbi ndoyè i mingui, bè ti i ado pèpé téné ti yé so aga na popo ti i ti tara i tonga na oua, na i ba yé so pèpé tonga na mbèni yé ti kpéné so assala i; mais tonga na i yèké afo Christ na pono ti Lo, i douti na nguia, si na la' ti singo ti gloire ti Lo, i lingbi douti na nguia mingui aho.

aHébreu 2:18

Tètì Lo hou pono na ya handa guiriri, Lo lingbi sala na ala so yé ahanda ala.

aRomain 16:20

Na fadé Nzapa ti siriri adoro Satan na gbè ti guélé ti i. Grâce ti Seigneur ti ani Jésus-Christ adouti na i!

Psaume 34:20

Yé ti voundou ti jo ti mbilimbili ayèké mingui; Mais L'Eternel adji lo na ya yé so kouè.

Esaïe 43:2

Tonga na mo ho na ya ngou, fadé Mbi yèké na mo; tonga na mo ho na ya ngou so assoua, fadé

ngou ni amou mo pèpé; tonga na mo tambela na ya oua, fadé oua ni azo mo pèpé, na mènka-oua ni agbi mo pèpé.

aRomain 8:28

Na ani hinga yé kouè abongbi ti sala ndjoni na ajo so andoyè Nzapa, ala so Lo iri ala na lègué ti yé so Lo yé.

1 aCorinthien 10:13

Handa ndè assala i pèpé, gui handa so assala ajo kouè; mais Nzapa ayèké Bè-Tâ'-Jo, fadé Lo djia handa aho ngangou ti i pèpé; mais lèguéoko na handa so, fadé Lo lèké lègué ti si guigui nga, si i lingbi gbo ngangou.

Apocalypse 3:12

Jo so aho na ngangou, fadé Mbi sala si lo ga pilier na ya Temple ti Nzapa ti Mbi, na fadé lo si guigui ka mbèni pèpé; na fadé Mbi sala na ndo lo iri ti Nzapa ti Mbi, na fini iri ti Mbi, na iri ti kodro ti Nzapa ti Mbi, fini Jérusalem so aloundou na yayou na ndo ti Baba ti Mbi, a jou na sessé.

Apocalypse 3:5

Jo so aho na ngangou, fadé lo you voulou bongo tonga so, na Mbi mbo' iri ti lo kèté pèpé na mbèti ti iri ti ajo so ayèké na fini; fadé Mbi sala téné ti iri ti lo na guigui na gbèlé Baba ti Mbi, na gbèlé a-ange ti Lo.

Jo so aho na ngangou, fadé Mbi mou na lo lègué ti douti na Mbi na trône ti Mbi, lèguéoko tonga na Mbi ho na ngangou guiriri, si Mbi douti na Baba ti Mbi na trône ti Lo. —Apocalypse 3:21

Apocalypse 21:7

Jo so aho na ngangou, fadé yé so aga yé ti héritier ti lo; fadé Mbi yèké Nzapa ti lo, na lo yèké melèngué ti Mbi.

Apocalypse 2:7

Lo so ayèké na mè ti ma, a lingbi lo ma yé so Yingo aténé na a-église. Jo so aho na ngangou, fadé Mbi mou na lo lègué ti tè lé' ti kèké so amou fini, so ayèké na Paradis ti Nzapa.

## 46 Nzapa A sala tènè na ndo tènè ti divorce

Mbi oua ala so assala mariage aouè, mais a yèké mbi pèpé, a yèké Seigneur so aoua ala, A lingbi ouali adjia koli ti lo pèpé (mais tonga na lo djia koli ti lo, djia lo kamata mbèni koli pèpé, ouala lo lèké tènè ti kiri na koli ti lo); na a lingbi koli adjia ouali ti lo pèpé. —1 aCorinthien 7:10, 11

aRomain 7:2, 3

Tonga na ouali ayèké na koli, ndia akanga lo na koli ti lo tonga na koli ni adè na fini; mais tonga na koli ni akoui, a dji ouali so na ndia ti koli. Tonga so tonga na ouali so akamata mbèni koli, tonga na koli ti lo adè na fini, fadé a di iri ti lo ouali so assala lango-

sioni; mais tonga na koli ti lo akoui, a dji lo na ndia ni, tonga so, même tonga na lo kamata mbèni koli, lo yèké ouali so assala lango-sioni pèpé.

Luc 16:18

Jo so adjia ouali ti lo na lo kamata mbèni ouali, lo sala lango-sioni; na jo so akamata ouali so koli ti lo adjia lo aouè, lo sala lango-sioni.

Matthieu 5:32

Mais Mbi tènè na i, Jo so adjia ouali ti lo, tonga na a yèké tènè ti pitan pèpé, lo sala si ouali ni assala lango-sioni; na jo so akamata ouali so mbèni jo adjia lo aouè, lo sala lango-sioni.



**Apocalypse 3:11**

Mbi yèké ga fadé. Yé so ayèké na mo, mo gbo ngangou, si mbèni jo akamata couronne ti mo pèpé.

**Marc 8:38**

Tèti jo so ayèké na kamela tèti Mbi na téné ti Mbi na popo ti aouagamè so ti pitan na ti siokpari, fadé Melèngué Ti Jo ayèké na kamela tèti jo so nga, na la' ni so Lo ga na ya gloire ti Baba ti Lo lèguéoko na a-ange ti ndjoni-kouè.

**Matthieu 24:30**

Na ndani, fadé fa ti Melèngué Ti Jo assi na yayou; na la' ni ka, fadé amara ti sessé kouè atoto, na fadé ala ba Melèngué Ti Jo aga na

ngangou na gloire mingui na ndo mbinda ti yayou.

**Jacques 5:8**

I nga, i douti na bè-nzé-pèpé; i sala si bè ti i akpingba, tèti singo ti Seigneur ayèké ndoulou.

**Matthieu 24:27**

Tèti lèguéoko tonga na gnèkpa assi guigui na mbagué ti est, na jo aba juska na mbagué ti ouest, fadé singo ti Melèngué Ti Jo ayèké tonga so.

**Jean 14:3**

Na tonga na Mbi gouè na Mbi lèké ndo na i, fadé Mbi kiri na fadé Mbi kamata i ti douti na tèle ti Mbi, si na ndo so Mbi yèké da, i lingbi douti ka nga.

Apocalypse 16:15

(Ba! Mbi yèké ga tonga na ouandji! Nguia ayèké na jo so abata ndo tonga na sinziri, lo bata bongo ti lo si lo tambela na tèle sèngué pèpé, na ajo aba kamela ti lo pèpé.)

Luc 12:40

I bata nga, tètì na l'heure ni so i yèké kou pèpé, fadé Melèngué Ti Jo aga.

Koussala ti aBazènguèlé 1:11

Ajo so aténé, I ajo ti Galilée, tètì gnè i louti ti ba ndo na yayou? Jésus so, Lo so A kamata Lo na popo ti i na A gouè na Lo na yayou, fadé Lo kiri lèguéoko tonga na i ba Lo gouè na yayou.

Matthieu 16:27

Tètì fadé Melèngué Ti Jo aga na a-ange ti Lo na ya gloire ti Baba ti Lo; na la' ni ka fadé Lo fouta ajo oko oko kouè alingbi na koussala ti ala.

1 Jean 3:2

I so mbi ndoyè i mingui, fadé so ani yèké amelèngué ti Nzapa, na ani dè ani hinga pèpé fadé ani ga tonga na gnè; mais ani hinga, tonga na Lo si, fadé ani ga tonga na Lo, tètì fadé ani ba Lo mvèni biani.

Luc 21:27

Na ndani, fadé ala ba Melèngué Ti Jo aga na ya mbinda, na ngangou na gloire mingui.

## Tènè ti Mbèti ti Nzapa

Fadé yayou na sessé aho,  
mais tènè ti Mbi aho pèpé.

–Luc 21:33

Mais Jésus akiri tènè na  
ala, I gouè kirikiri, tèti i hinga  
Mbèti ti Nzapa na ngangou ti  
Nzapa pèpé. –Matthieu 22:29

Tèti tènè so a fa na iri ti  
Nzapa aga la' oko pèpé na  
lègué ti yé so jo ayè, mais ajo  
assala tènè so aloudou na  
Nzapa tonga na Yingo Voulou  
aho na ala. –2 Pierre 1:21

Tènè kouè ti Mbèti ti Nzapa  
aloundou na yanga ti Nzapa,  
na a yèké ndjoni ti fa nda ti  
tènè, ti djingo na jo, ti kiri jo

na lègué ni, na ti fa na jo lègué  
ti sala ye mbilimbili.

–2 Timothée 3:16

Mbi bata tènè ti Mo na bè ti  
mbi, Si mbi lingbi sala siokpari  
pèpé ti ké Mo. –Psaume 119:11

Tènè ti Mo ayèké lampe tèti  
guélé ti mbi, Na lumière tèti  
lègué ti mbi. –Psaume 119:105

A lingbi i djia mbèni tènè na  
ndo tènè so pèpé so mbi com-  
mandé i, na i lounguela mbèni  
tènè na ya tènè so pèpé, mais i  
bata commandement ti L'Eter-  
nel Nzapa ti i so mbi commandé  
i. –Deutéronome 4:2

Published in numerous languages by World Missionary Press, Inc.,  
as God supplies funds in answer to prayer. **For questions or more  
information by country, visit: [www.wmp-contacts.org](http://www.wmp-contacts.org)**

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

8-24



Read booklets online or by App  
[www.wmp-readonline.org](http://www.wmp-readonline.org)

172 Sango HFA